

Na temelju članka 31 Zakona o sudovima u Federaciji Bosne i Hercegovine („Službene novine F BiH“ broj: 38/05 i 22/06 ), te članka 20 Pravilnika o unutarnjem ustrojstvu i sistematizaciji radnih mjesta Kantonalnog suda u Livnu, a u vezi s člankom 20 Zakona o slobodi pristupa informacijama u Federaciji Bosne i Hercegovine ( „Službene novine F BiH“ broj: 32/01 – u daljnjem tekstu: Zakon ) i Uputstva za provođenje Zakona o slobodi pristupa informacijama u F BiH ( „Službene novine F BiH“ broj: 57/01 ), predsjednik Kantonalnog suda u Livnu ( u daljem tekstu: Sud ), dana 02.09.2010. godine, donosi i objavljuje

## **V O D I Č** **ZA PRISTUP INFORMACIJAMA** **U KANTONALNOM SUDU LIVNO**

### **I.**

*Svaka fizička i pravna osoba ima pravo pristupa informacijama koje su pod kontrolom Kantonalnog suda u Livnu, a Sud ima odgovarajuću obvezu da te informacije priopći. U tu svrhu objavljen je i ovaj Vodič, kako je to regulirano odredbom članka 20 Zakona o slobodi pristupa informacijama u Federaciji BiH.*

*Pravo pristupa informacijama može biti ograničeno samo na način i pod uvjetima utvrđenim Zakonom.*

### **II.**

*Sud je dužan da, u okviru svojih mogućnosti, poduzme mjere pružanja pomoći fizičkim i pravnim osobama koje traže ostvarivanje svojih prava u smislu Zakona. Sjedište Suda nalazi se u Livnu, Trg branitelja b.b., telefon 034/202-182, 034/203-344 i fax. 034/202-182.*

*Službenik za odnose s javnošću i informiranje je Anita Drinjak viši referent, telefonski broj 034/206-205.*

*Detaljni podaci o vrsti informacija koje su pod kontrolom ovog Suda, obliku u kojem su informacije dostupne, kao i podaci gdje se može pristupiti tim informacijama, nalaze se u „Indeks registru“ Suda, koji je sastavni dio ovog vodiča.*

### **III.**

*Pravo na pristup informacijama ostvaruje se podnošenjem zahtjeva koji mora:*

- 1. biti u pisanom obliku na jednom od službenih jezika Federacije BiH,*
- 2. dati dovoljno podataka o prirodi i / ili sadržaju informacija, kako bi se omogućilo da Sud, uz razuman napor, pronađe traženu informaciju i*
- 3. sadržavati ime podnositelja zahtjeva i njegovu adresu.*

*Zahtjev se podnosi neposredno ovome Sudu na pisarnicu ili putem pošte na adresu Suda.*

*Ako se zahtjev odnosi na osobnu informaciju, zahtjev može podnijeti samo fizička osoba na koju se taj zahtjev odnosi, njegov zakonski zastupnik i punomoćnik.*

*Osoba iz prethodnog stavka svoj identitet dokazuje osobnom iskaznicom ili drugom ispravom s fotografijom, dok zakonski zastupnik mora prezentirati dokaz o zakonskom zastupanju, odnosno punomoćnik mora prezentirati urednu punomoć, pri čemu prilaže fotokopiju osobnog dokumenta podnositelja zahtjeva.*

*Ako zahtjev za pristup informacijama ne ispunjava jedan od navedenih uvjeta, Sud će podnosioca o tome obavijestiti rješenjem što je prije moguće, a najkasnije u roku od osam dana od prijema zahtjeva.*

#### IV.

*Način pristupa informacijama može biti:*

- 1. osobni pristup informaciji u prostorijama Suda,*
- 2. umnožavanje informacije,*
- 3. slanje informacije na adresu podnosioca zahtjeva, kada se ista osigurava besplatno.*

*U slučajevima kada Sud odobrava pristup informaciji ne naplaćuje se naknada ili pristojba za podneseni zahtjev, rješenje ili obavještenje.*

*Naknada se naplaćuje samo za traženu uslugu umnožavanja i to:*

- 0,50 KM za svaku stranicu,*
- 5,00 KM po CD-u za elektronsku dokumentaciju.*

*Uplate za umnožavanje vrše se kod referenta koji vodi blagajnu Suda, o čemu se izdaje odgovarajuća priznanica.*

#### V.

*Ako sud primi zahtjev za koji nije nadležan, dužan je bez odlaganja, a najkasnije u roku od osam dana od dana prijema zahtjeva, dostaviti isti nadležnom organu i o tome obavijestiti podnosioca zahtjeva, odnosno nastaviti će postupak u skladu sa odredbama članka 13 Zakona o slobodi pristupa informacijama u F BiH.*

#### VI.

*Sud može u cijelosti ili djelomično odobriti pristup informacijama, odnosno u cijelosti ili djelomično odbiti pristup informacijama, o čemu rješenjem obavještava podnosioca zahtjeva, što je moguće prije, a najkasnije 15 dana od dana prijema zahtjeva.*

*U slučaju predviđenim ovim Zakonom, Sud će po hitnom postupku pismeno obavijestiti podnosioca zahtjeva o produženju roka, kao i razlozima tog produženja.*

#### VII.

*Ukoliko Sud odobri pristup informaciji u cijelosti ili djelomično, rješenjem će obavijestiti podnosioca zahtjeva o tome.*

*Rješenje sadrži:*

- 1. obavještenje o mogućnosti osobnog pristupa informaciji u prostorijama Suda,*
- 2. obavještenje o mogućnostima umnožavanja informacije i o troškovima umnožavanja, uz napomenu da se umnožavanje informacije omogućava nakon izvršene uplate. Kada je umnožavanje informacije neuobičajeno složeno ili dugotrajno, umnožavanje se omogućava podnosiocu zahtjeva u vrijeme koje je prihvatljivo i za podnosioca zahtjeva i za Sud i / ili*
- 3. priloženu fotokopiju tražene informacije kada se ona osigurava besplatno.*

## VIII.

Sud može utvrditi izuzetak o priopćavanju tražene informacije ako su u pitanju:

- interesi obrane i sigurnosti, kao zaštita javne sigurnosti,
- sprječavanje i otkrivanje kriminala,
- zaštita postupka donošenja odluka u Sudu, uključujući davanje mišljenja, savjeta ili preporuka, bilo da se radi o osobi zaposlenoj u Sudu ili drugoj osobi koja radi za Sud ili u ime Suda, s tim da to ne obuhvaća činjenične, statističke, znanstvene ili tehničke informacije,
- kad Sud osnovano utvrdi da zahtjev za pristup informaciji uključuje povjerljive komercijalne interese treće strane, u tom slučaju bez odlaganja pisano obavještava treću stranu o pojedinostima zahtjeva i upozorava je da će se tražena informacija priopćiti ako u roku od 15 dana od dana prijema te obavijesti pismeno ne odgovori da smatra da je informacija povjerljiva i navede razloge zbog kojih bi njenim priopćavanjem mogla nastati šteta. Nakon prijema odgovora Sud će utvrditi izuzetak od priopćavanja tražene informacije,
- ako Sud osnovano utvrdi da informacija uključuje osobne interese koji se odnose na privatnost treće osobe.

## IX.

Sud priopćava traženu informaciju bez obzira na izuzetke utvrđene Zakonom, odnosno prethodnim poglavljem ovog Vodiča ako je to opravdano javnim interesom. Pri tome uzima u obzir svaku korist i štetu koja može proisteći iz priopćavanja informacije.

Prilikom donošenja odluke o tome je li priopćavanje informacije opravdano javnim interesom Sud razmatra okolnosti, uključujući: svako nepoštivanje zakonske obveze, postojanje bilo kakvog prijestupa, nepravde, zlouporabe vlasti ili nemara u obavljanju službene dužnosti, neovlaštenog korištenja javnih fondova, opasnosti po zdravlje ili sigurnost pojedinca, javnosti ili okoline.

Ako se utvrdi da je priopćavanje tražene informacije, koju je Sud utvrdio kao izuzetak, u vezi s povjerljivim komercijalnim informacijama ili izuzetak u zaštiti privatnosti, u javnom interesu, Sud će rješenjem obavijestiti treću stranu da će informaciju priopćiti po isteku roka od 15 dana od dana prijema tog rješenja.

Protiv ovog rješenja dopuštena je žalba predsjedniku suda u roku od 15 dana od dana prijema istog, a podnositelj zahtjeva ima pravo obraćanja i instituciji Ombudsmana Federacije Bosne i Hercegovine.

## X.

Ako Sud odbije pristup informacijama u cijelosti ili djelomično, rješenjem će obavijestiti podnositelja zahtjeva o tome, a navedeno rješenje sadrži:

1. zakonski osnov za status izuzeća informacije, uključujući sva materijalna pitanja važna za donošenje rješenja, kao i uzimanje u obzir činjenica javnog interesa i
2. pouku o pravu na žalbu i rok u kome se ona može podnijeti predsjedniku suda u skladu sa člankom 11 stavak 1 Zakona o upravnom postupku ( „Službene novine F BiH“ broj 2/98 i 48/99 ), kao i uputstvo o pravu obraćanja Uredu Ombudsmana Federacije BiH.

## XI.

Rješenja iz točke VII. I X. ovog Vodiča dostavljaju se podnositeljima zahtjeva najkasnije u roku od 15 dana od dana podnošenja, osim u slučajevima kad je potrebno dobiti izjašnjenje treće strane o priopćenju povjerljivih komercijalnih informacija, odnosno informacije koje se odnose na privatnost treće osobe.

## XII.

Ovim Vodičem ne ograničavaju se prava i obveze fizičkih i pravnih osoba koja se odnose na pristup informacija u skladu sa Zakonom o sudskom postupku.

## XIII.

Ovaj Vodič sa Indeks registrom može se dobiti u uredu službenika za informiranje i u pisarnici suda, a dostavlja se instituciji Ombudsmana Federacije BiH, svim općinskim knjižnicama u Federaciji BiH, knjižnicama Pravnog fakulteta u Mostaru, Sarajevu i Bihaću kao besplatan primjerak.

Broj: 068-0-Su-10-000250  
Livno, 02.09.2010. godine



Na temelju članka 31 Zakona o sudovima u Federaciji Bosne i Hercegovine („Službene novine F BiH“, broj: 38/05 i 22/06 ), te članka 20 Pravilnika o unutarnjem ustrojstvu i sistematizaciji radnih mjesta Kantonalnog suda Livno, a u vezi s člankom 20 Zakona o slobodi pristupa informacijama u Federaciji Bosne i Hercegovine („Službene novine F BiH“ broj 32/01 – u daljnjem tekstu: Zakon ) i Uputstva za provođenje Zakona o slobodi pristupa informacijama u F BiH („Službene novine F BiH“, broj: 57/01 ), predsjednik Kantonalnog suda u Livnu ( u daljem tekstu: Sud ), dana 02.09.2010. godine, donosi i objavljuje

## **INDEKS REGISTRA INFORMACIJA POD KONTROLOM KANTONALNOG SUDA U LIVNU**

### **I.**

- *Upisnici i imenici za kaznene predmete (K),*
- *Upisnici i imenici za predmete prethodnog kaznenog postupka (Kpp),*
- *Upisnici i imenici za predmete kaznenog izvanraspravnog vijeća (Kv),*
- *Upisnici i imenici za predmete prethodnog saslušanja (Kps),*
- *Upisnici i imenici za predmete pomilovanja (Kp),*
- *Upisnici i imenici za drugostupanjske izvršenja kaznenih sankcija (Iksž),*
- *Upisnici i imenici za drugostupanjske kaznene predmete (Kž),*
- *Upisnici i imenici za žalbene predmete prema maloljetnicima (Kmž),*
- *Upisnici i imenici za drugostupanjske građanske predmete (Gž),*
- *Upisnici i imenici za drugostupanjske privredne predmete (Pž),*
- *Upisnici i imenici za upravne sporove (U),*
- *Upisnici i imenici za upravne sporove radi ponavljanja postupka (Uvl),*
- *Upisnici i imenici za predmete po žalbi u prekršajnom postupku (Pžp),*
- *Upisnici i imenici u izvanparničnom postupku (V),*
- *Upisnici i imenici u kaznenim predmetima ukidnog rješenja (Kžk),*
- *Upisnici i imenici u vanrednim kaznenim pravnim lijekovima a(Kvl),*
- *Upisnici i imenici u građanskim vanrednim pravnim lijekovima (Gvl),*
- *Upisnici i imenici u kaznenim predmetima brisanja osude (Kbs),*
- *Upisnici i imenici raznih kaznenih predmeta (Uvjerenja i sl. Kr),*
- *Upisnici i imenici za ponavljanje postupka u građanskim predmetima (Gvlž),*
- *Upisnici i imenici u upravnim sporovima po zahtjevu za vanredno preispitivanje sudske odluke (Uvp),*
- *Upisnici i imenici u prekršajnim predmetima ponavljanja postupka (Pvpl),*
- *Upisnici i imenici pružanja pravne pomoći (Pom),*
- *Upisnici i imenici pružanja međunarodne pravne pomoći (MPom),*
- *Lista kategorija registratorskog materijala sa rokovima čuvanja,*
- *Knjiga pečata i štambilja,*
- *Pravilnici i drugi opći akti Suda,*
- *Godišnja izvješća, analize i informacije o radu Suda,*
- *Evidencija sudaca porotnika,*
- *Evidencija knjige notara,*
- *Popis stalnih sudskih vještaka,*
- *Matična knjiga zaposlenika,*
- *Dokumentacija vezana za prijem zaposlenika u radni odnos,*
- *Dostavna knjiga za poštu,*
- *Dostavna knjiga za mjesto,*

- *Knjiga zaštićenog svjedoka (Kzs).*

**II.**

*Informacije se mogu dobiti u usmenom i pismenom obliku na zahtjev stranke i to kod službenika za informiranje.*

**III.**

*Ovaj Indeks registra stupa na snagu danom donošenja i sastavni je dio Vodiča za pristup informacijama u Kantonalnom sudu u Livnu broj 010-0-Su-10-000250 od 02.09.2010. godine.*

*Broj: 010-0-Su-10-000263  
Livno, 02.09.2010. godine*



Bosna i Hercegovina  
Federacija Bosne i Hercegovine  
KANTON 10  
KANTONALNI SUD U LIVNU

Broj: 010-0-Su-17-000189  
Livno, 30.10.2017.godine

Na temelju članka 31 Zakona o sudovima u Federaciji Bosne i Hercegovine („Službene novine F BiH“ broj: 38/05, 22/06, 63/10, 72/10, 7/13 i 52/14), te članka 20 Pravilnika o unutarnjem ustrojstvu i sistematizaciji radnih mjesta Kantonalnog suda u Livnu, a u vezi s člankom 20 Zakona o slobodi pristupa informacijama u Federaciji Bosne i Hercegovine („Službene novine F BiH“ broj: 32/01 i 48/2011 – u daljnjem tekstu: Zakon) i Uputstva za provođenje Zakona o slobodi pristupa informacijama u F BiH („Službene novine F BiH“ broj: 57/01), predsjednik Kantonalnog suda u Livnu (u daljnjem tekstu: Sud), dana 30.10.2017. godine, donosi i objavljuje

**IZMJENE I DOPUNE VODIČA  
ZA PRISTUP INFORMACIJAMA  
U KANTONALNOM SUDU LIVNO**

**I.**

U tački IV. dodaje se stavak 4. koji glasi:

„Za standardnu veličinu fotokopija prvih deset stranica troškovi se ne naplaćuju.“

**II.**

U tački IX. stavak 4. umjesto teksta „dopuštena je žalba“, tekst se mijenja i glasi „dopušten je prigovor“.

**III.**

U tački X. stavak 1. točka 2. se mijenja i glasi:

„(2) pouku o pravu na prigovor koji se podnosi u roku od osam dana od dana prijema rješenja“.

U istom članku dodaje se nova točka (3) koja glasi:

„rješenje doneseno po prigovoru po tački 2. pod X. konačno je u upravnom postupku i protiv njega nezadovoljna stranka može pokrenuti upravni spor kod mjerodavnog suda.“

**IV.**

U tački XIII. iza riječi „pisarnici suda“ briše se tekst: „a dostavlja se instituciji Ombudsmana Federacije BiH, svim Općinskim knjižnicama u Federaciji BiH,

knjižnicama Pravnog fakulteta u Mostaru, Sarajevu i Bihaću kao besplatan primjerak“, u istom članku dodaje se novi stav 2 koji glasi:

„Vodič je besplatan“.

  
PREDSJEDNIK SUDA  
2 Nedim Begić



Bosna i Hercegovina  
Federacija Bosne i Hercegovine  
KANTON 10  
KANTONALNI SUD U LIVNU

Broj: 010-0-Su-22-000161  
Livno, 22.06.2022.godine

Na temelju članka 31 Zakona o sudovima u Federaciji Bosne i Hercegovine („Službene novine F BiH“ broj: 38/05, 22/06, 63/10, 72/10, 7/13 i 52/14), te članka 20 Pravilnika o unutaršnjem ustrojstvu i sistematizaciji radnih mjesta Kantonalnog suda u Livnu, a u vezi s člankom 20 Zakona o slobodi pristupa informacijama u Federaciji Bosne i Hercegovine („Službene novine F BiH“ broj: 32/01 i 48/2011- u daljnjem tekstu: Zakon) i Uputstva za provođenje Zakona o slobodi pristupa informacijama u F BiH („Službene novine F BiH“ broj: 57/01), predsjednik Kantonalnog suda u Livnu (u daljnjem tekstu: Sud), dana 22.06.2022.godine, donosi i objavljuje

**IZMJENE I DOPUNE VODIČA  
ZA PRISTUP INFORMACIJAMA  
U KANTONALNOM SUDU LIVNO**

U točki II. stavak 2. mijenja se i glasi:

„Službenik za odnose s javnošću i informiranje je Marija Marinčić, sudski stručni suradnik, telefonski broj 034/206-205“.

PREDSJEDNIK SUDA  
Nedim Begić

